

B1 La Ijumaki ekonomijakî kriza

Pe vrjama kata la Ijumaki ekonomijaki kriza milionur manuša ande maškaruji Evropa ašile bi bućako. Pe kuća vrjama nas le nasvale manušengê sigurta, čiti sas le manušengê kaj ašilesas bi bućako kak sigurta, čiti le phurengê kak penzija. Le manuša kaj ašilesas bi bućako, mëkle le bare forur taj bolde pe ande peskê gava katar avilesas. Kote spide le thaneskê Řomen kata lengê lokalni bućakê thana. But Rom ašile bokhale aj le raj ande lengê komune sas te den bare love palaj grîža le čořê manušengî. Le turbulencije avile sja maj bare taj but komune kamle numa „te skêpin pe“ kata l' čořê taj bokhale manuš.



1910

1927-37

1951

So sas la evropakê Řomengê taj Sintongê pe vrjama kata o holokausto šinado

💡 Žanglen tumen

...kê ka l' thaneskê komunakê administracije sas e obligacija von te grîžin pala bêšîmos taj pala pravarimos kata peskê maj čořivane manuša taj von musaj sas te pocinen lengê vizite ka l' doktorja taj lengê troškura pala l' hospitalur?

...kê pe l' 1920-utne taj 1930-utne bêrš sas le merimaskî kvota kata l' řomane šavore maj but de 50 procentur? Maj but sar e dopašin kata l' řomane šavore mule angla pesko dujto bijandimasko djes.

✏️ Tumari bući

Diskutuin, save ženengê grupe sî dependentni kata društveno solidariteto. Gîndin pa kodja, sostar sî kodola ažutimata butivar kontroverzni?

📷 Paj fotografija

Řom ande řomaji mahala Oberwart/Austria. E fotografija kêrdja e policija ande 1930-utne bêrš, pe sama te sîkavel voj peskî bući.
Landesarchiv Burgenland,
Eisenstadt/Österreich.



<https://www.romasintigenocide.eu/kelderash/b>

www.romasintigenocide.eu